

26 sept 2016 kl 17.00

Fundur 12. aðalstjórn Vestra með forsvarsmönnum deilda, haldinn í fundarsal í Háskólasetrinu.

Mættir eru; Hjalti Karlsson, Guðfinna Hreiðarsdóttir, Sigurður Jón Hreinsson, Sólrún Geirsdóttir og Guðni Guðnason frá stjórn. Sólveig Pálsdóttir, Ingi Björn Guðnason, Kristján Krinstjánsson, Gunnar Páll Eydal, Samúel Samúelsson, Hafþór Halldórsson, Harpa Grímsdóttir, Birna Lárusdóttir, Guðfinna Guðmundsdóttir og Sveinn Rúnar Júlíusson frá deildum.

1. Utanyfirbúningamál, útlit og prufur.

Deildir hafa flestar haft treyjur til mátunar í einhvern tíma. Sundið á reyndar eftir að fá að máta og reiknum við með að þau prófi á morgun.

Fundurinn er sammála því að fá verð í allar þær vörur sem eru í þessari sömu vörulínu. Haft verður opið af hvaða gerð hver og einn félagsmaður mun kaupa sér, en allir munu verða í sömu litunum með sama heildarútlitið.

Félagsmenn munu panta beint frá Jako, ekki í gegnum Vestra. Til stendur að Jako setji upp sérstaka pöntunarsíðu í gegnum Facebook. Formanni falið að tékka jafnfram á því hvort að sú síða gæti mögulega innifalið keppnisgallana sem blakið og fótboltinn eru að nota.

Ekki liggur nákvæmlega fyrir verðið á göllunum og þarf formaður að krefja umboðið um skýr svör því tengt. Einnig þarf að athuga með aðrar vörur í þessari línu, eins og td töskur eða annað sem telja má vænlega söluvöru.

2. Auglýsingar og styrktaraðilar

Liggja þarf fyrir hvaða flíkur koma til með að bera auglýsingar aðalstjórnar og hvar þær verða staðsettar á hverri flík. Ljóst er að einhverjar deildir eru með gildandi samninga um styrktarauglýsingar og gæta verður þess að brjóta ekki þá samninga. Fundurinn er sammála um að miðað verður við að stór auglýsing aftan á æfingagalla-treyju.

Formaður kynnti fyrir fundinum að viðræður hafi staðið yfir við forsvarsmenn Arnarlax, niðurstaða lægi ekki fyrir en menn væru nokkuð vongóðir um að samningar náist. Fundurinn er sammála um að upphæð á bilinu 2-4 milljónir á ári, sé ágæt til að stefna að. Stjórn verður í sambandi við deildarformenn, þegar fyrir liggur einhvað nánara um styrktarsamninginn.

Kynnt var fyrir fundinum hverjir helstu gjaldapóstar aðalstjórnar eru sem stendur og að til rekstur þurfi upb 1200 þúsund á ári, nú eins og málum er háttað.

3. Tippleikur Vestra

Kynnt var að til stendur að Vestri hyggst taka að sér tippleik 1X2. Áhugasamur einstaklingur með reynslu af slíkum leikjum, vill taka að sér að halda utan um leikinn.

Haft hefur verið samband við HSV vegna þess að héraðssambandið hélt lengi vel út slíkum leik og er reyndar enn að fá einhverjar tekjur af honum. Engar athugasemdir bárust frá HSV vegna þessara fyrirætlana.

Aðstaða vegna leiksins mun væntanlega verða í Vallarhúsinu, en einnig stendur til boða að komast inn með leikinn í starfsmannaaðstöðu Vestfiskra Verktaka á Skeiði.

4. Vallarhúsið

Í sumar var ytra byrði hússins tekið í gegn, málað og þakskegg lagfært. Ísafjarðarbær sá um þær framkvæmdir.

Innanhúss er búið að mála og parketleggja, á kostnað félagsins.

Fyrir liggur að klára þarf samning við félagsins við bæinn, um afnot og annað því tengt.

5. Heimasíða Vestra

Ný og glæsileg heimasíða félagsins opnuð formlega ! Formaður sýndi fulltrúum deilda síðuna og fór yfir helstu efnisþætti og uppbyggingu.

6. Önnur mál

Söluvörur til fjáröflunar fyrir deildir, með merki félagsins. Formaður ýtrekar við fundarmenn að deildir verði að hafa heimild aðalstjórnar, til að selja vörur með merki félagsins. Ekki hefur verið mótuð endanleg stefna um það, með hvaða hætti og hvaða vörur verði sérstaklega teknar útfyrir sviga í því. Væntanlega verður samin reglugerð um þessar vörur, til að taka af allann vafa. Þó ber að nefna að reglugerð tekur á notkun merkisins er óheimil án samþykktar aðalstjórnar.

Nefndu nokkrir fundarmenn að þeim þætti eðlilegast að félagið sæji um sölu á öllum merktum vörum. Einnig var það nefnt að ekki væri óeðlilegt að ef fram kæmi frumlegar hugmyndir, að sú deild fengji leyfi til skamms tíma að selja slíkt en félagið tæki söluna svo yfir í framhaldinu. Fundurinn er sammála því að í fyrstu, sé eðlilegt að aðalstjórn sjái um sölu á varningi merkt Vestra.

Fundi slitið kl 19:10

Fundargerð ritaði Siggí Hreins